

Zulep Rosarum.

Dieser Tranck ist gut zu leschen den durst in den hitzigen febern/ vnd anzündungen der Brust vñ auch des Magens.

Zulep Violarum.

Dieser Tranck ist gut zu senffrigen die scherffe des Hals/ der Lungen von husten vñnd geschwer/ so sie mit einem feber seind.

Cap. v. Von den Trociscis.

Trocisci de Camphora.

Mesue beschreibt diese scheiblin vñ sind gut zu stillen grosse Brunst des febres/ sie leschen den durst vnd die rote Coleram/ sie seind sehr nützen so das blut seudet/ auch die Lebersüchtigen vnd gelsüchtigen/ des gleichen die schwind süchtigen vnd Lungensüchtigen helfen sie wol.

Trocisci de Spodio.

Mesue. Diese Trocisci seind sehr nützen die hitzige Leber vnd Magen.

Trocisci de Myrrha.

Rasis nono Almanforis. Diese scheiblin bringenn den Frauen iren blumen/ reyniget die Mutter/ vñnd vertreibt das auffstossen der selbigen.

Trocisci de Terra sigillata.

Mesue. Diese Trocisci seind gut zu verstellen alle fluß des bluts/ seind gut für gifft/ vñnd bewaren den Menschen vor der Pestilenz.

Trocisci de Agarico.

Mesue.

qplu 11 12

Aesue. Diese Trocisci seind fast gut auß zutreibē die grobē feuchte flegma vñ rote Coleram/ auch andere schleimige feuchte. Vnd jr eygenschafft ist/ das sie das Hirn/ die Nieren/ die Augen/ die Ohren/ die Brust/ vnd die Lūg reynigen/ auch die Mutter/ des halben denn Democritus recht gesaget hat/ das Agaricus sey ein Arzney des ganzen Hauß gesindts.

Trocisci Allahandel.

Diese Trociscen werden selteinn allein gebraucht/ aber vnder ander Arzneyen gemischt/ reynigenn sie den Magen von vbriger feuchten flegma.

Trocisci de Lacca.

Diese Trocisci eröffnen die alten verstopffung der Leber vnd des Milz/ seind auch fast hilfflich den gelüchtigen vnd wassersüchtigen.

Cap. vi. Von Salben.

Ungentum Aureum.

Aesue beschreibet diese Salb/ vnd heist die gülden Salb/ denn sie heylet alle Wunden vñnd schleg/ nimpt auch hin alle mackelen so nach dem selbigen bleiben.

Ungentum Album.

Galenus. Diese weiß salb ist gut zu starckē Hauptweh/ welchs von groser hitz ist.

Ungentum Populeon.

Nicolaus beschreibet diese Salb ist gut in scharffen hitzigen febern. Sie macht die krankenn rühwig schlaffen/ leschet auch hitz der Leber vñnd Nieren/